

cax, præsentaneum, & in multiplici rerum usu fœcundissimum est, juxta Raphaelem Moxium lib. 1. metb. med. per ven. sect. morb. mul. acut. cap. 31. Hæc hic locum mereri videtur, licet à multis rejiciatur. Augenius lib. 4. de sanguinis miss. c. 4. nullatenus in cacochymia secundam esse venam retur, quamvis contrahente sanguine vitium aliquod, eandem admittat, teste Vido Vido loco cit. Ex ipso Pergameno lib. 9. m. m. c. 11. Augeniana opinio refutari poterit: ille enim sanguinem aut utilem, aut inutilem esse dicit; ille ceu res secundum naturam sui indicat conservationem: hic verò ceu res præter naturam, sui potius ablationem per venæfctionem, nisi sanguis in totum corruptus sit. Raphael Moxius loc. cit. mulieri ejusmodi cacochymicæ audacter esse scindendam venam consulit, in qua vincentis sanguinis signa apparent; sin obscura, consideratiùs; sin verò omnino à natura sanguis recesserit, seu in totum fuerit inutilis, crudus, crassus, aut frigidus humor, aut quomodounque cacochymicus, citra aliquod sanguinis vestigium, purgatione potius educendus, aut sudoribus, aut diureticis. Ut plurimum conducit juxta River. lib. 15. med. pract. c. 4. si sangvinem simùl effluere sit suspicio, corpus plethoricum; epatis aut lienis intemperies calida adsit, juxta consilium Roderici Fonsecæ in consultationibus.

*Locum* quoad, eligitur secunda mediana, aut axillaris cubiti vena, Roderico à Castro lib. 1. de morb. mul. c. 14. Sylv. commentar. 1. de flux. mul. Albertin. Botton. de morb. mul. c. 62. suadentibus.

*Aetius* frontis aut narium venam scindere, aut à scapulis, partitâ evacuatione paulatim, sed diutiùs revelere jubet, præsertim cùm fluxus sit ruber, & in juventute accidat.

D

Quan-